

洞真太上丹景道精經

內八

太谷先生黃童真人谷希子傳命受而遵行封一宗於岱宗山中與隱地八術名同事異八術八名藏之玉笈封以金華侍以玉童衛以玉女各八百人玉晨授於九玄七十年乃傳余此之丹景亦有二名一曰太上丹景道精經二曰太素三元曲素訣辭玉景內真金童與憂樂惠解又名同實異七十年中乃聽三傳百年之內有其人者亦得三傳給玉童玉女各二人然曲素訣辭內真金童者乃虛皇帝君之極篇太素三元君之寶辭也烟生結文玉浪虛無徇真洞手曲說訣素煥手金房故能除六天於三變之始招五神於七徊之中司一列三則靈仙降寢轉七變五則應召无方禮二尊於閭館震素慧於寒靈於是山澤稽精水源伏滅千妖同誅九魔失隊啓五百於金童招鄭華於帝位然後玉華宿寢五老同誼神兵束魔邪烟絕置拔七祖於南宮受形胎平晨霄拜太上於藥闕謁太素於西朝超五品於帝室窮三儀而不凋斯故極真

之高章微魔之所標也依四極明科之制使五百年中聽再傳之兆常能誦曲素訣辭於寢靜之守者則五老之廣晨朝玉華之夕降衛文大武以攝不祥源澤之神皆來拜已五嶽真靈稽首而前若欲有所役召當行七轉五變先正心北向存禮太素三元君於金華之宮又拜太上玉晨君於七映之房此二尊君玉秀虛朗金姿映芬圓光蔚於華寢既曜激乎八玄存既畢叩齒十二通先三讀金真之祝畢乃讀上品第四章次讀第三章次讀第六章次讀第三章次讀第五章次讀第七章上中二品合十四章都畢又臨目心存所召則隨心而到諸召五嶽神靈及司命司錄北帝三官並使除罪籍列生名伐滅邪魔之烟烝絕塞試觀之根源物語既畢時發遣之慎不可久留一月之中得三行此道若但欲驅除不祥伐伏妖魔者自不可頃齊而行事也當先讀中品第三章次讀上品第二章次讀中品第七章次讀中品第四章次讀上品第六章又三讀金真咒此謂五變之道

以招伏魔鬼但單行之不復有所存禮也若欲迴七祖之罪拔生宮於帝尊者先當先存禮如上從經上品第一以轉之三過報當一讀金真祝一日之中令得三遍至五百遍為一品過至五百品過則七祖胎仙兆昇三天也此誦經之時慎勿令章辭有誤十誤則罰一品矣

夫欲個品大過之時皆當先齋三百日沐浴五香使身服潔清絕交人事心不營慮然後乃得存行之耳太素三元君曲素訣辭玉景內真金童

上品第一章曰

北命錄臣 四司東靈 南和九真
化合成明 併羽太一 玉景揚芬
檢錄五神 高命北清 魔靈受事

萬司推聲 太陰四混 景丹雲京
中品第一章曰

太上委玉司 九天總神營
混此歸會昌 寄燕履昌靈
招魔束鬼精 司錄位帝庭

促來召泉曲

荷戈侍神營

上品第二章曰

徘徊三玄

理命四司

太一元禁

握節往來

九源隊滅

束錄鬼祇

大帝扶胥

五老同規

明真紀魂

華元理魄

七墓齋吟

永康常伯

請治不祥

攝魔護籍

司罪伐妖

六天摧落

上願名仙

身昇晨宅

中品第二章曰

運氣入太元

解罪列帝圖

玄錄列朱軒

九真乘金符

出入無定止

解駕皇人家

四明奉神宗

玉旌傲萬魔

高兵列帝帥

伐此戴鄭章

太素金真消魔內真呪曰

太元啓真

萬靈勸羅

農司逃澤

四童明牙

金仙秉鉞

天旅充戈

火燭揚鋒

水甲導波

冲落九天

洗滌玄河

號獸毒蛇

鷹禽擊魔

山精伏滅

七象交和

織斬千妖

齊戮鄭華

金威震落

六天凋俎

三元告命

萬靈是呼

四明聞召

請籙帝圖

上品第三章曰

大帝上命

玄元四章

天帝秉鉞

司命承綱

元真護籍

七符司皇

神宗輔術

保命挑康

群魔受事

應召會方

千妖伏滅

山嶽啓梁

握符促到

萬邪自傷

九天之命

賓錄中王

中品第三章曰

四落鄭山

促校鬼都

西皇揚輪

南真奉書

太一同朝

玄幽伯無

三元秉籍

公子定符

九鬼七廣

應召對誅

千精受事

奉我勿休

上品第四章曰

理命真君

此據定慧

春光神庭

丹皇栖懸

雲拘守靈

萬魔收厲

司命秉符

公子護籍

仙王騎駕

神華高樓

五嶽奉棘

千妖收落

鬼滅禁庭

凶伏帝漢

中品第四章曰

太元偉神寶

圓明映三清

紫虛方玉鼓

上景固天精

三官促受事

嶽真一來庭

四司明朝禁

千妖假伏形

上品第五章曰

上帝疑天

促命四真

靈元列素

神虎衛蕃

永攝陰府

頓導鄭山

妖伏大宮

精滅帝前

所召促到

无鬼无真

三元告符

錄景皇賓

中品第五章曰

玉虛理帝景

玄炁聚泥丸

九真列華房

公寧合玄丹

太山三官主

從來對帝吉

收魔束鬼精

乘景太素端

七祖拔滯根

兆身昇三天

上品第六章曰

太元上京

南真受靈

起非提節

玄一扶旂

明真秉曜

上躡雲庭

九符促召 群妖滅形 嶽鬼伏到
六天摧頌 有凶而誅 有善必營
帝與太一 記籍書名 我同福根
飛仙上清

中品第六章曰

九天有司尊 帝一理靈標
威明煥八景 揚於列太霄
併此芬艷嬰 萬靈一來朝
魔王促受事 滅邪破千妖
提攜青帝母 列生金華條

上品第七章曰

七祖受仙品 永度三塗喜
太極四真 奉司帝一 玄歸保神
育生理悉 元宗奉行 九真混會
赤子疑天 文素蔚羅 急拔三官
戮妖滅魔 九天震落 七炁冲和
除伐胞根 披履三塗 累葉受恩
世為仙家

中品第七章曰

帝一守玄靈

披籍三塗中

虛盈順福生 化合泥丸宮
三官對帝君 急來拔北鄰
滅除妖穢津 身得昇帝壙
世世大福生 繁華永元窮

凡誦曲素訣辭玉景內真金章之時皆帝一

疑觀司命衛真五神仗鉞公子守闕當淨服
燒香心禮四方然後乃得開其篇目耳發響
之時則千魔聚伏萬妖摧爛山嶽來朝玉華
同宴誦之一品玉音瓊振七日勿殆萬向如
願矣

凡受曲素訣辭之法丹錦三十尺金錄兩雙
以為帝君玄真之信也授書之時對齋七日
灌浴五香不交人物求降感應必可授者乃
得傳之傳非其人妄泄寶經則七祖父母受
冥拷於地獄可不慎哉

洞真太上丹景道精經

二經同卷

洞真太上青牙始生經
洞真三天秘諱

洞真太上青牙始生經

修行五生寶圖

青牙始生西王母所修傳太谷先生黃童真
人谷希子太極真人封一通於岱宗之山七
十年三傳有玄名紫簡當得此文百年內有
其人者亦聽三傳修行五年三尸消滅五神
安鎮五帝交遊逍遙三清也
東方青牙元象蒼天中為歲星流為木精下
為太山鎮人肝府其炁始生如春草之初萌
其光啓耀如暉日之發芒二人共吞與神同一
南方朱牙元象丹天中為熒惑流為火精下
為衝霍鎮人心府其炁始生如絳雲之勾白
日其光肇照如玄王之映丹淵二人共吞與
神同一
中央黃牙元象黃天中為鎮星流為土精下